

Vom Sondberi

Zeid'n in da Fria
steh' i om Sondberi omad:
Vom grean Weeat
schau i umi
zum Akaziwäudl
und weida
iwa Plott,
iwa's Puikautoi,
weit eene auf Mähren.

's Grea wird liachter,
denn langsam blau
und voloist si in Himmö.

Unta d'foitratn Hiwön
rutsch'n de Dörfa eene.
I' kunnt's gor net find'n,
wonn net d'Kirchatuin' wa'n
und de Köllagoss'n.

De wochs'n aussa aus d'Foitn
und streckan si
weit iwa d'Hiwön,
schau'n owe
auf d'schnurgrad' ausg'richt'n Föda,
und auf d'Weeviert'la Leit',
de si durt schind'n und plog'n.